



SULEQATIGIISITSISUT
SAMARBEJDSPARTIET

Aggustip 24-at 2018

UKA2018/83

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nalakkersuisut pisussaaffilerneqassasut kingusinnerpaamik UA/2019-imi aningaasaateqarfimmik pilersitsinissamik siunnersuuteqassasut Kalaallit Nunaanni isumagininnikkut ajornartorsiutaasunik ilisimatusarnissanut, nalilersuinissanut pinaveersaartitsinissanut misissuinissanullu atorneqartussamik. Meeqqat inuusuttullu navianartumik inissisimasut - imaluunniit meeqqat inuusuttullu navianartorsiortinneqarnissaminnut aarlerinartumiittut ilaqutaallu pingaarnerusutigut aningaasaateqarfiup siunertatut siunertarissavaa.

Siusinaarluni iliuutsit, aningaasarsiornertigut siusinaarluni iliuuseqarusulersitsisunik ingerlatinnarlunilu iliuuseqarnissat aamma periutsinik nalimmassaanerit, inunnik isumagininnermi katsorsaanissamik allanillu neqeroorutit aningaasaateqarfimmi ukkatarineqarnerussapput.

(Inatsisartunut ilaasortaq Tillie Martinussen, Suleqatigiissitsisut)

Tungavilersuut:

Atuutitsilerneq, pinaveersaartitsineq, isumagininnermi periutsinik nalilersuineq, siunnersuinerit paasitsitsiniaanerillu innuttaasut akornanni, inuiaqatigiinni naalakkersuinikkullu suliaqartut akornanni inunnik isumagininnermi meeqqanut inuusuttunullu periutsinut qaffassaanermik aamma pisorta qarfiit oqartussaaffiillu akornanni suleqatigiinnermik siuarsaasussatut aningaasaateqarfiup siunertaanittariaqarput.

Aningaasaateqarfiup aningaasaatai aamma atorneqarsinnaasariaqarput misissuinernut ilisimatusarnernullu sivikinnerusunut sivilunerusunulluunniit siunertanut taariikkanut, ilaatinneqartariaqarputtaaq isumagininnermi periutsinik, katsorsaanernik, katsorsaariaatsinik pinaveersaartitsinermilu aqqissuussanik, katsorsaanissamut neqeroorutinik periutsillu sunniutaanik ilisimatusarnernut nalimmassaanernullu

Aningaasaliissutaasut atorneqarsinnaasariaqarput aqqissuussanik, neqeroorutinik, katsorsaanernik ilisimatusarnernut misissuinernullu aamma pisorta qarfiit meeqqat inuusuttullu taakkulu ilaqaataasa

UKA 2018/83

J.nr. 01.25.01/18UKA-LABU-00083

isumaginninnermik ajornartorsiutaannik akiuiniarnerni atuutilersitsinerini katsorsaarnernik neqeroorutaannut, periusaannut assigisaanullu suleqatigiisitsilernerimi ajornartorsiutaasunut.

Pingaarnertut aaqqissuussinerit, katsorsaarnernit aamma periutsit meeqqat atugarisaannik ineriartornerinillu nakkutiginnittut isumannaarisullu, aamma meeqqap inuuniarnermini isumaginninnikkut aporfigisinnaasaanik ukuninnga millisaaniarluni siunertaqartunik: kinguaassiutitigut kannguttaatsuliornerit, imminoornerit, imigassamik aanngajaarniutinillu atornerluinerit, annersaarnernik isumaginninnikkullu sumiginnaanernik

Aningaasaateqarfiup siunertaani ukkatarineqarsinnaapput soorlu uku:

- Siusinaarluni periutsit
- Siusinaarluni periutsit kingusissukkut periutsillu aamma ingerlatiinnartumik ikiuinerit kingusinnerusukkullu ikiuinerit aningaasaqarnikkut ataqatigiissumik sunniuteqartarnerat.
- Aaqqissuussinernik, katsorsaarnernik isumaginninnermik ajornartorsiutaasunik akiuiniarnermi aporfiusunik, soorlu pisortaqarfinni ilinniartitaanikkut piginnaasaqarnikkullu sumiiffiit, atorfeqarnikkut atugarisat, Kalaallit Nunaata isorartunera, inuiattut kinaassutsikkut ileqqussut assigisaanillu qaangiiniarluni iliuseqarsinnaanissat

Aningaasaateqarfimmi aningaasaatit naalakkersuisoqarfinnit, kommuninit, ilinniagaqarfinnit, ilisimatusarfinnit ilisimatusarniarlunilu aaqqissuussinernit aamma oqartussanit taakkuninnga suliaqartunit Kalaallit Nunaanni taakkuninnga ajornartorsiutinik sammisaqartunit qinnuteqaateqarfigisinnaasariaqarpoq.

Aningaasaateqarfiup aaqqissorneqarnissaa qanorlu pitsaanerpaamik aningaasaliissutinik atuinissamik aaqqissuussinissaq Naalakkersuisunut aaqqissornissaa aalajangiisussanngortissavara.

Naalakkersuisunik pituttuisunngortinngikkaluarlugu innersuussutigerusupparattaq aningaasaateqarfiornermi inuussutissarsiutitigut ingerlatsisunik, nunanik allanik, ikiuiniyaqatugiiffinnillu allanik peqataatitsisinnaanissaq. Taamatuttaaq innersuussutigaa aningaasaateqarfiup aningaasaatai ingerlaavartumik atorneqartarsinnaanissaat, soorlu aamma innersuussutigigiga aningaasaateqarfik Inatsisartut Aningaasanut Inatsisaat aqutugalugu ikinnerpaamik ukiumut 20 mio. koruuninik aningaasat nalikilliarneranum nalimmassarneqartartussanik aningaasalorsorneqartassasoq, soorlu aamma allat tapiissutaasut taamatut pineqassasut.

Aningaasaliissutaasunit aningaasaateqarfiup ingerlanneqarneranum inunnik marlunnik atorfinittisoqartariaqarsoraara, aamma siulersuisut aningaasaateqarfiup aningaasaataanik agguasussat inuttalorsorneqartariaqarpoq isumaginninnermik aqutsisoqarfimmit, meeqqat pisinnaatitaaffiani suliniyaqatigiiffimmit, aningaaserivinnit, Kalaallit Nunaanni Ilisimatusarfimmit allanillu inunnik taakkuninnga suliaqartunik suliniutigisanik nalilersuisinnaasunik

UKA 2018/83

J.nr. 01.25.01/18UKA-LABU-00083

Aningaasaateqarfimmiit ukiumut marloriarluni tapiissuteqartoqarsinnaasariaqarpoq, aningaasaateqarfimmiituutitanit iluanaarutaasunik akiliisoqarsinnaassanngilaq allanulluunniit aningaasaateqarfiup allassimasutut siunertaarinnngisaanut atuisoqarsinnaanani.

Suleqatigiisitsisut isumaqarput Inatsisartuni ilaasortaasugut qulakkeertariaqaripput siunertanut qulaani taaneqareersunut, isumaginninnikkut maani nunami ajornartorsiuteqartilluta aningaasaliisoqartuassasoq, sivikinnerpaamillu ukiuni tulliuuttuni qulini ingerlasariaqartoq, taamalilluni sammisarineqartumi ilisimatusarneq taamaalaat naalackersuinikkut tullerriaarinermit nikerarsinnaasumit aalajangiinernit kivinnekarsinnaaginnarani, kisiannili pituttugaanngitsumik attaviiitsumillu ilisimatusarnermik innutaasunut pitsaanerpaamik kinguneqartussamik qulakkeerinnittussaammat.

Pisortanut aningaasatigut allaffissornikkullu kingunerisassai:

Naalackersuisut siunertanut naapertuussorigunikku aningaasaateqarfiup pilersinnissaanut immikkut ittumik inatsisiliortoqarnissaa, taassuma suliarineqarnissaanut sivilunerpaamik allaffissornikkut ukiumik ataatsimik sulisoqarnissaa ilimagineqartariaqarpoq, tassani ilanngunnearlutik nutserinerit, tusarniaanerit inatsisilerinikkullu misissueqqissaarnerit.

Taakku saniatigut aningaasaateqarfiup malittarisassaanik suliaqarnermut siulersuisunillu ilaasortassanik toqqaanissamut sivilunerpaamik ukiup pingajoraterutaanik sivilussusilimmik sulisoqartariaqassaaq.

Aningaasaateqarfiup ingerlanneranut aningaasartuutit aningaasaateqarfiup aningaasaataanit aningaasalersorneqassapput.

Namminersorlutik Oqratussat aningaasaateqarfimmut aningaasaliisariaqassapput. Qanoq amerlatgisunik aningaasaliisoqassanersoq Inatsisartut aalajangissavaat. Aningaasaliissutaasulli nammattariaqarput aningaasaateqarfiup anguniagaanut aalajangersarneqartunut angusaqarluarfiussappata.

Nammineq isumaqarpunga Kalaallit Nunaanni Namminersorlutik Oqartussat 2020-miit sivikinnerpaamillu ukiunut qulinut tulliuuttunut aningaasaateqarfimmut ukiumoortumik 20 mio. koruunik aningaasaliisassasut. Aningaasaliissutit Inatsisartut Aningaasanut Inatsisaannit aningaasaliissutaasassapput.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq